

აბიტურიენტთა საყურადღებოდ!!!

უსაფრთხოების დაცვის მიზნით უნდა გაითვალისწინოთ დაცვის თანამშრომლების და მიმღები კომისიის წევრთა მითითებები.

შემოსასვლელში უნდა ისარგებლოთ დეზობარიერიტ და ხელები დაიმუშავოთ სპეციალური სადეზინფექციო ხსნარით.

უნდა დაიცვათ უსაფრთხო დისტანცია (არაუმცირეს 2მ) და შემოქმედებითი ტურების მსვლელობისას უნდა განთავსდეთ იმგვარად, რომ არ აღმოჩნდეთ ერთმანეთის ან გამომცდელის პირისპირ;

ერთიან შესასვლელთან ყველა შემომსვლელი გაივლის თერმოსკრინინგს.

თერმოსკრინინგი და აბიტურიენტთა გამოცდაზე დაშვების პირობები:

o რეკომენდაციის თანახმად, თუ აბიტურიენტს გამოცდის წინა დღეებში ექნება მაღალი ტემპერატურა, მან უნდა ჩაიტაროს PCR-ტესტი და წარმოადგინოს ცნობა, რომ არ არის კოვიდით ინფიცირებული. ასევე, თუ აქვს ქრონიკული სიცხე, უნდა მოიტანოს სამედიცინო დაწესებულების ოჯახის ექიმის (ან ქრონიკული დაავადების არსებობის შემთხვევაში, შესაბამისი ექიმ-სპეციალისტის) ცნობა (ფორმა #100);

o თუ აბიტურიენტს 37°C ან 37°C -ზე მეტი ტემპერატურა აღენიშნა, 15 წუთში უნდა გადაუმოწმდეს ტემპერატურა ვერცხლისწყლის თერმომეტრით. გადამოწმების შემდეგ 37.5°C -მდე (37.4°C -ის ჩათვლით) შედეგის შემთხვევაში გათვალისწინებულ იქნება შემდეგი:

- თუ აბიტურიენტს აქვს გამოცდამდე, არაუმეტეს 2-3 დღით ადრე, ჩატარებული და მიღებული PCR-ტესტირების დასკვნა კოვიდ-უარყოფითი შედეგით, მაშინ მისი განთავსება ხდება ჩვეულებრივ სხვა აბიტურიენტებთან საერთო დარბაზში. შემთხვევა კი აღინიშნება შენიშვნით, რომელსაც მომდევნო გამოცდაზე უნდა მიექცეს ყურადღება;

- თუ აბიტურიენტს არა აქვს გამოცდამდე, არაუმეტეს 2-3 დღით ადრე, ჩატარებული და მიღებული PCR-ტესტირების დასკვნა კოვიდ-უარყოფითი შედეგით, აბიტურიენტის გამოცდაზე დაშვების საკითხის გადაწყვეტა ხდება ექიმის მიერ მისი ჯანმრთელობის მდგომარეობის შეფასების საფუძველზე, კერძოდ:

⇒ თუ სიცხის გარდა არ აღენიშნება რესპირატორული ინფექციისათვის დამახასიათებელი არც ერთი სიმპტომი (ხველა, ცემინება, სურდო, ქოშინი), აბიტურიენტი განთავსდება ჩვეულებრივ სხვა აბიტურიენტებთან საერთო სექტორში.

⇒ იმ შემთხვევაში, თუ 37°C -დან 37.4°C -მდე ტემპერატურას თან ახლავს რესპირატორული ინფექციისათვის დამახასიათებელი რომელიმე სიმპტომი,

მაშინ აბიტურიენტის განთავსება ხდება ცალკე სარეზერვო ოთახში დამცავი ფარის მქონე მაგიდასთან და ორმეტრიანი რადიუსის დისტანციით ამავე ოთახის სხვა მაგიდებთან. ასეთმა აბიტურიენტმა PCR ტესტი სასურველია ჩაიტაროს მომდევნო გამოცდამდე;

⇒ 37.5°C ტემპერატურისას (რესპირატორული სიმპტომების არარსებობის შემთხვევაშიც) აბიტურიენტის განთავსება ხდება ცალკე სარეზერვო ოთახში დამცავი ფარის მქონე მაგიდასთან და ორმეტრიანი რადიუსის დისტანციით ამავე ოთახის სხვა მაგიდებთან. ასევე რეკომენდებულია მომდევნო გამოცდამდე PCR-ტესტის გაკეთება.

o ტემპერატურის 37.5°C -ზე მეტის შემთხვევაში:

- თუ აბიტურიენტს არ აქვს გამოცდამდე, არაუმეტეს 2-3 დღით ადრე, ჩატარებული PCR-ტესტირების დასკვნა კოვიდ-უარყოფითი შედეგით, ის მოიხსნება გამოცდიდან და რეკომენდაციის თანახმად, უნდა მიმართოს ექიმს/დარეკოს 112-ზე;

- თუ აბიტურიენტს აქვს გამოცდამდე, არაუმეტეს 2-3 დღით ადრე, ჩატარებული PCR-ტესტირების დასკვნა კოვიდ-უარყოფითი შედეგით, ექიმი აფასებს მის მდგომარეობას და რესპირატორული სიმპტომების არარსებობის შემთხვევაში, მაღალი ტემპერატურის მიუხედავად, განთავსდება ჩვეულებრივ სხვა აბიტურიენტებთან საერთო სექტორში.

- თუ აბიტურიენტს აქვს გამოცდამდე, არაუმეტეს 2-3 დღით ადრე, ჩატარებული PCR-ტესტირების დასკვნა კოვიდ-უარყოფითი შედეგით, მაშინ ექიმი აფასებს მის მდგომარეობას და რომელიმე რესპირატორული სიმპტომის არსებობის შემთხვევაში, აბიტურიენტის განთავსება ხდება სარეზერვო ოთახში დამცავი ფარის მქონე მაგიდასთან და ორმეტრიანი რადიუსის დისტანციით ამავე ოთახის სხვა მაგიდებთან. ასევე რეკომენდაციის თანახმად, შემდეგ გამოცდამდე უნდა მიმართოს ოჯახის ექიმს კონსულტაციის მიზნით.

აბიტურიენტთა ვალდებულებები:

- დაიცავით ჰიგიენის წესები სასწავლო ორგანიზაციის სივრცეში;

- გამოიყენეთ სრულად ინდივიდუალური დაცვის საშუალებები;

- ჩაიტარეთ ხელების ადეკვატური ჰიგიენა (სპირტის შემცველი ხელის საწმენდი საშუალებების გამოყენება იმ შემთხვევაში, როცა ვერ ხერხდება ხელების დაბანა. ხილული დაბინძურების, ან ბიოლოგიური სითხეების მოხვედრისას ხელების წყლითა და საპნით დაბანა სავალდებულო წესით);

- მოერიდეთ ხელებით თვალებზე, ცხვირზე და პირზე შეხებას. შემოქმედებითი ტურების პერიოდში უზრუნველყავით თმის შეკვრა/მჭიდროდ დამაგრება, რათა მაქსიმალურად შეიზღუდოს თმის სახის ზედაპირთან შეხება (შესაძლებელია ჩაჩის, ან სპეციალური თავსაბურავის გამოყენება).

- საგამოცდო სივრცეში არ შემოიტანოთ ზედმეტი ნივთები (აბიტურიენტს შეუძლია შემოიტანოს: წყალი პლასტმასის ბოთლით; კალამი; პირბადე; ერთჯერადი ხელთათმანი; ასევე, საგამოცდოდ აუცილებელი აპარატურა, ინსტრუმენტები და აქსესუარები);

სხვა შემთხვევაში ნივთები დატოვეთ ამ ნივთების შენახვისათვის განკუთვნილ ადგილას;

- საგამოცდო სივრცეში ნიღბის ტარება აუცილებელია;
- დაიცავით წესები, რომლებიც დაკავშირებულია ვირუსის გავრცელების პრევენციულ ღონისძიებებთან.

აბიტურიენტებმა თან უნდა იქონიონ:

- ❖ პირადობის დამადასტურებელი დოკუმენტი;
- ❖ ამონაბეჭდი ერთიანი ეროვნული გამოცდების სარეგისტრაციო გვერდიდან (სადაც მითითებული იქნება აბიტურიენტის მიერ მონიშნული პროგრამული კონცენტრაციები);
- ❖ ანტიგენის სწრაფი ტესტის ან PCR-ტესტის პასუხი (ჩატარებული ბოლო 24 საათის განმავლობაში).

წინააღმდეგ შემთხვევაში აბიტურიენტი გამოცდაზე არ დაიშვება!!!

ახალი კორონავირუსის გავრცელების პრევენციასთან დაკავშირებული წესების დარღვევის შემთხვევაში (ნიღბის მოხსნა, სოციალური დისტანციის დარღვევა და უარი ხელების დამუშავებაზე და სხვ.), აბიტურიენტი მიიღებს შენიშვნას და მითითებას წესების დაცვის აუცილებლობის თაობაზე, აღნიშნული მითითების შეუსრულებლობის შემთხვევაში კი მოიხსნება გამოცდიდან.

მიმღები კომისია სთხოვს აბიტურიენტებს, გაითვალისწინონ ეს რეკომენდაციები.

აბიტურიენტთა გვარობრივი სიები და I ტურის თარიღები იხილეთ ჩვენს

ვებ-გვერდზე www.tafu.edu.ge

გისურვებთ წარმატებას!